

Mesyuarat khas BN isu peralihan kuasa Umno
Malaysiakini.com
Oct 7, 2008

Setiausaha Agung Barisan Nasional (BN) Datuk Seri Tengku Adnan Tengku Mansor hari ini mengesahkan Dewan Tertinggi BN akan mengadakan mesyuarat di Pusat Dagangan Dunia Putra (PWTC) esok.

"Mesyuarat itu akan diadakan pada 3.30 petang esok," katanya kepada Bernama hari ini.

Perdana Menteri Datuk Seri Abdullah Ahmad Badawi semalam berkata yang beliau akan mengumumkan hari ini atau esok sama ada beliau akan mempertahankan jawatan Presiden Umno.

Walaupun beliau tidak membayangkan apakah keputusannya nanti, Abdullah yang juga pengerusi BN, dijangka mengumumkan yang beliau tidak akan mempertahankan jawatan itu pada pemilihan parti Mac tahun depan.

Semalam, Abdullah berkata, beliau akan bertemu pemimpin Barisan Nasional (BN) dalam masa terdekat untuk memaklumkan perkara itu.

"Rakan-rakan kita dalam BN sudahpun membuat andaian bahawa mereka lebih suka dimaklumkan," katanya dalam sidang akhbar selepas mempengerusikan mesyuarat panel aenasihat antarabangsa Bioteknologi di Pusat Konvensyen Kuala Lumpur (KLCC) semalam.

"Mereka mahu dimaklumkan mengenai apa yang akan berlaku," tambahnya.

Copyright © 1999-2007 Mkini Dotcom Sdn. Bhd.
Source : <http://www.malaysiakini.com/news/90808>